

摘藻堂四庫全書薈要

史部

欽定四庫全書叢要

史部

御批歷代通鑑輯覽卷一百十二

欽定四庫全書薈要卷七千五百六十五

御批歷代通鑑輯覽卷一百十二

明

神宗皇帝

萬曆三十年春二月帝不豫召大學士沈一貫具詔
除弊政翼日帝瘳寢前詔

皇太子婚禮甫畢帝忽有疾急召諸大臣至仁德門
俄獨命一貫入啟祥宮後殿西煖閣皇太后南面立



稍北帝稍東冠服席地坐亦南面太子諸王跪於前一貫叩頭起居畢帝命之前諭曰朕病篤矣曠稅事朕因宮殿未竣權宜採取今可與江南織造江西陶器俱止勿行所遣內監皆令還京法司釋久繫罪囚建言得罪諸臣咸復其官言已就臥一貫尋叩頭出擬旨以進是夕閣臣九卿俱直宿朝房漏三鼓中使捧諭至具如帝語一貫者諸大臣期即奉行翼日帝疾瘳悔之遣中使二十輩至閣追取前諭一貫不能

神宗信用閹人曠稅之擾蔓延海內雖盈廷謫請若罔聞知會構疾而召見閹臣盡除樊政不可謂非轉移之機沈一貫既承此旨正宜退下所司以期廣德

音而與民困何
乃滿進觀望豈
日尚未奉行致
神宗得以遑安
成命真全不以
國事爲心者中
謂喚謂曾若輩
之不如顧既不
能力持於始其
後復借生變爲
由屢請罷撤除
爲阿順取容而
陽以謏言弋衆
究之欲蓋彌彰
耳

持惶遽繳入時司禮太監王義方在帝前力爭曰王
言何可反汗帝怒欲手刃之義言愈力而中使已持
前諭至後義見一貫嘆曰相公稍持之曠稅撤矣何
怯也自是大臣言官疏請者日相繼皆不聽

閏月河州黃河竭

癸卯 三十一年春正月營兩宮

詔戶兵二部覈軍實

時內府所供寢多戶部困不能支九邊額軍八十六

萬有奇將弁率以空名支餉且多尅減邊兵屢譁帝
急命戶兵二部鈎考軍實卒不能振刷也

夏四月丁亥朔日食

是日當享太廟禮部侍郎郭正域

字美命江夏人

言禮當祭

而日食牲未殺則廢朔旦宜救日詔朝享廟從之

五月京師地震

六月黜楚中尉華越為庶人

初楚恭王

名英煥顯
榕次子

薨遺腹宮人胡氏孿生子華奎

楚宗事廢時雖
明當時之號為

正人者大抵皆
右假王之說究
亦未有確憑而
其難端則始於
汪若泉之告訐
若泉為恭王密
戚所言或果有
見聞或妄生觀
聽皆不可知彼
時若即窮究根
源庶可辨其真
偽及事隔數十
年華越復以扶
植訐訟尤不可
不明勘虛實以
破疑竇而息虛

華壁或曰內官郭綸取他人子養之

言華奎乃恭王
妃兄王如言子

華壁乃妃族人王
如綽奴王王子

儀賓汪若泉嘗訐奏事下撫按王

妃持甚堅得寢帝八年華奎嗣爵華壁亦封宣化王

宗人華越者素彊禦忤王及是遣人訐華奎異姓子

不當亂宗沈一貫納華奎重賄屬通政使格其疏不

上月餘華奎劾華越疏至乃上之事下禮部署尚書

事郭正域楚人也頗知假王事請勘虛實以定罪案

一貫右華奎言親王不當勘但宜體訪正域以事關

爲乃沈一貫獨
執宜訪不宜勘
之言委之撫按
仍歸顯預了事
適足貽疑訪之
口於是問臣禮
臣互相袒護攻
擊紛如日以報
復相尋轉置楚
宗曲直於不問
朝局之壞蓋至
是時而極矣

宗室不聽華奎懼奉百金為正域壽且屬母竟楚事

當酬萬金正域嚴拒之已而撫按行勘皆言無左驗

而華越妻乃王如言女持偽王說甚堅廷議令覆勘

詔公卿集議於西闕門議者三十七人各具一單言

人人殊李廷機以禮部左侍郎代正域署部事正域

欲盡錄諸人議廷機以辭太繁先撮其要以上一貫

遂族御史康丕揚

濟南陵縣人

等劾禮部壅閼羣議不以

實聞正域亦發一貫匿疏沮勘及華奎饋遺事中旨

以楚王襲封已二十餘年何至今始發且夫訐妻証

不足憑據遂坐華越等誣奏降庶人錮之鳳陽

明年

華奎獻萬金助工經漢陽宗人疑其輸賄遮奪之巡撫趙可懷屬有司捕治宗人方恨可懷治楚獄不平持兵突入撫署擊殺可懷於是逮捕諸宗人置重典者六人禁錮閑住者四十五人

秋七月京師大雨雹

八月禮部侍郎郭正域罷

正域初右華越積忤沈一貫給事中錢夢皋

富順人

遂

希一貫指劾正域陷害親藩楊應文

無錫人

又言正域

父懋嘗笞辱於楚恭王故正域因事陷之正域疏辨

言恭王卒於隆慶時臣父方以舉人任知州何由被笞留中不報

因乞休去已而華

奎亦奏劾正域略如應文言且訐其不法數事請褫

正域官詔下部院集議李廷機謂正域已去可無苛

求給事中張聞達

字德充涇陽人

言藩王欲進退大臣不可

訓乃不罪正域而令巡按御史勘王所訐以聞皆無

狀

冬十一月獲妖書

先是刑部侍郎呂坤

字叔簡
寧陵人

嘗撰閨範圖說太監陳

矩

安肅人

購入禁中帝以賜鄭貴妃妃重刻之二十六

年秋或撰閨範圖說跋名曰憂危竝議

其文託朱東
吉為問答東

吉者東朝也其名憂危以呂坤
曾有憂危一疏因借其名以諷

言坤書首載漢明德

馬后由宮人進位中宮意以頌妃而妃之刊刻實藉

此為奪嫡地妃兄國泰以給事中戴士衡

字章尹
莆田人

嘗

糾坤全椒知縣樊玉衡

字以齋
黃岡人

並糾貴妃疑出自二

人手言於帝帝重謫二人事遂寢至是續憂危竝議

復出朱賡於寓門外獲之其詞假鄭福成為問答鄭

福成者謂鄭氏子福王當成也大略言帝立東宮出

於不得已他日必當更易其用朱賡為內閣者以賡

更同音寓更易之意詞極詭妄時皆謂之妖書帝大

怒勅有司大索奸人沈一貫以楚宗事銜郭正域又

惡沈鯉相逼

初鯉將入閣一貫以士心夙附鯉深忌之欲諷鯉辭召命乃貽書李三才曰歸

德公來必奪吾位將何以儲之歸德鯉邑名三才答書言鯉忠實無他腸勸一貫同心一貫并憾三才

欲因是傾之給事中錢夢皋直指為正域鯉所造遂

發卒圍正域舟於楊村

在順天府武清縣東南

捕僕隸乳媼十

餘人御史康丕揚先後捕正域所善醫人沈令譽僧

達觀等雜治之竟無所得最後錦衣衛獲順天生員

嗽生光生光性險賊多脇取人財又嘗為妖詩傾戚

里生光嘗偽作富商包繼志詩有鄭主乘黃屋之句以脇鄭國泰及繼志金疑書出其手

遂下獄拷訊夢臯丕揚令引正域生光仰面大罵曰

死則死耳奈何教我迎相公指妄引郭侍郎乎久之

獄不能具會皇太子在東宮數語近侍曰何為欲殺

我好講官諸人聞之皆懼而陳矩提督東廠屢會法
司拷訊心念獄無主名帝必怒甚恐輾轉羣累無已
遂與法司歸獄生光礫之釋諸波及者正域始得歸
正域博通載籍有經濟大畧自守介然人望歸之方
獄急時遇卒圍鯉舍及正域舟鈴柝達旦又聲言正
域且逮迫使自裁正域曰大臣有罪當
伏尸都市安能自屏野外歸十年卒

致仕東閣大學士王家屏卒

諡文端

家屏歸後八年儲位始定遣官齎勅存問及是卒贈

少保

家屏在閤每議事秉此持法與同列不亢不隨
李獻考之謫家屏求去甚力或勸少需家屏曰

人君惟所欲為者由大臣持祿小臣畏罪有輕辱下
心吾意大臣不受高祿小臣不畏刑誅庶有濟耳遂
懇請
得歸

甲辰三十二年夏四月辛巳朔日食

開濬泇河成

泇有東西二河注已見前今運河上自山東滕縣下至江南邳州統謂之泇河

泇河界滕嶧間南通淮海引漕甚便前總河侍郎翁

大立首議開濬

事具前

已都御史傅希摯復言之朝廷

數遣官行勘迄無成畫其後尚書舒應龍創鑿韓莊

在嶧縣微山湖東今有開

以引湖水

微山湖之水

劉東星又開良城

在邳

州北漢置良成縣
晉改良城唐省

侯莊

在韓莊東今為侯僊閘

以試行運

時漕舟行

汧河者
十之三

工皆中輟

東星卒官役遂止

至是侍郎李化龍與淮

揚巡撫李三才循東星舊跡修之由直河

在邳州東蒙沂諸山

之水入汧口

在邳州西北

抵夏鎮凡二百六十里避黃河

呂梁之險會化龍憂去侍郎曹時聘

獲鹿人

終其事由

是汧河遂為漕道永利

五月雷火焚長陵明樓

帝以陵災下詔咨實政大學士沈鯉請除礦稅屬沈

誤神宗一切漢
然置之既難期
納牘之明並不
見櫻鱗之怨沈
鯉等乃欲藉素
服冒雨覲得一
為動心見亦疎
矣觀於因疾革
革除之詔疾廖
孫便追還遇災
責實政之修災
過依然不省其
因循莫振誠非
一朝夕之故而
猶欲以口舌力
爭如石投水虛

一貫朱廢各為一疏俟時上之一日大雨鯉曰可矣

一貫等問故鯉曰帝惡言廢稅事疏入多不視今吾

革冒雨素服詣文華奏之上訝而取閱亦一機也一

貫等從其言帝得疏疑必有急事啓視果為心動戶

部尚書趙世卿

字象賢
歷城人

亦上疏力請

言今日實政孰
有切於罷廢稅

者古明王不費異物今也取悖入之財歛蒼生之怨
節儉之謂何是為君德計不可不罷者一多取所以
招尤慢藏必將誣盜鹿臺鉅橋必致倒戈之禍是為
宗社計不可不罷者二古者國家無事則預桑土之
謀有事則議金湯之策安有鑿四海之山植三家之
市振弓挾矢戕及良民燬室踰垣禍延雖犬經十數

年而不休者是為國體計不可不罷者三貂璫漁獵
翼虎魚焦毀掘塚墓則枯骨蒙殃奸虐子女而良家
飲恨人與為怨謹誅屢聞是為民困計不可不罷者
四國家財賦不在民則在官今盡括入奸人之室故
督逋租而逋租絀稽閭稅而閭稅虧搜庫藏而庫藏
絕課鹽筴而鹽筴薄徵贖銀而贖銀消外府一空司
農若掃是為國課計不可不罷者五天子之令信如
四時三載前嘗曰朕心仁愛自有停止之時今年復
一年更待何日天子有廟言王命委草莽是為詔令
計不可不罷者六陛下誠思服食宮室以至營造征
討上何事不取之民民何事不供之上嗟此赤子曾
無負於國乃民方惟呼以供九重之欲而陛下不少
遂其欲民方奔走以供九重之勞而陛下不少慰其
勞民方踴躍以赴九重之難而陛下不少恤其難反
之於心必有不白安者今天譴頻仍變不虛生故欲
回天意在恤民心欲恤民心在罷曠稅無煩再計而

決也帝優答之然不為罷

六月太白晝見

沈一貫等以災異疊見疏請罷礦稅出繫囚補缺員
發臣下章奏帝答以修省實政俟次第舉行一貫等
又言俟之為言有何底極臣等非不欲俟而天下危
亂恐有不能俟者帝不省

秋七月大雨水

乙巳三十三年夏五月雷震郊壇

鳳陽大風雨毀陵廟

左都御史溫純罷

溫純清白自持
奉職固稱無忝
即其為沈郭辨
明誣枉亦人心
公道所存至於
楚宗倡亂敗於
行兵入署擊殺
封疆大臣實與
叛逆無異逮治
得正厥辜實不
為枉乃純轉力
明其無反狀未

純清白奉公五主南北考察澄汰悉當妖書事起力

為沈鯉郭正域辨誣又楚宗人殺撫臣純言無反狀

積忤沈一貫時大計京朝官純與吏部侍郎楊時喬

字宜遷

主之一貫所欲疵者鍾兆斗

海鹽人

錢夢皋等

上饒人

皆在謫中一貫怒言於帝降旨切責純察疏亦不下

盡留被察科道官純力求去夢皋等遂連章訐純楚

縱惡失刑其
將懷行復聚
說請釋諸宗
時亦竟共避
議總由諸人
嫉一貫凡所
置必欲一切
矯之是皆明
偏見固結於
竟不以朝廷
理曲直為念

事誣以納賄給事中陳嘉訓

鄱陽人

極論夢臯兆斗朋

比為奸請聽純歸以全大臣之體帝與純致仕夢臯

兆斗亦罷歸

一貫請留察疏主事劉元珍龐時雍御史朱吾弼等力爭之謂二百年來計典

疏無留者時南京察疏亦留中後廷衆議始下劉元珍字伯先無錫人龐時雍汶上人朱吾弼字諧卿

高安人

秋九月京師地震

冬十月濬朱旺口

在碭山縣西

前年河決豐縣單縣決口亦潰魚臺濟寧間平地成

湖河臣李化龍上言自泃河既成山東南直間河不能為運河害獨朱旺口以上決單則單沼決曹則曹魚及豐沛徐邳魚碭皆命懸一線隄防宜急會化龍憂去曹時聘代至是時聘大濬朱旺口凡役夫五十萬六閱月工竣自朱旺達小浮橋延袤百七十里渠廣隄厚河歸故道

十一月皇長孫由校生

即熹宗

選侍

明制太子女侍有淑女選侍才人等名號

王氏

順天人

所生

十二月詔罷天下開礦以稅務歸有司中使仍留不撤
自礦稅使設廷臣諫者不下百餘悉寢不報自二十
五年至是年諸璫所進礦銀幾三百萬兩金珠寶玩
貂皮名馬雜然進奉帝以為能會長至日沈一貫在
告沈鯉未賡謁賀仁德門帝賜食司禮監陳矩侍鯉
因極陳礦稅害民狀且言礦使破壞天下名山大川
靈氣盡矣恐於聖躬不利矩乃具為帝道之帝悚然
遣矩咨鯉所以補救者鯉言急停開鑿則靈氣自復

帝為首肯一貫慮鯉獨收其功急草疏上帝不懌復止踰月始下停礦之命以稅務歸有司歲輸所入之半於內府半戶工二部然中使不撤吏民尤苦之其害遂終帝世

丙午 三十四年春二月雲南指揮賀世勲等殺稅監楊榮

雲南孟密土司有寶井正德以後多以内臣掌之及榮領稅使妄奏井多晴綠珍瑰之屬可歲益數十萬

帝特賜之專勅而榮所進不得什一

會緬賊侵蠻莫其執詞以奉稅

使令令殺宣撫思正以開道路正奔騰越
緬人追之有司不得已殺正以謝賊乃退
既而榮又

請麗江土知府

本越折詔地明設土府今改流官

木增獻地聽開採

巡撫御史宋興祖

中江人

言太祖令木氏世守茲土限

石門

關名在府西北

以絕西域守鐵橋

亦在府西北

以斷土蕃奈

何自徹藩蔽生遠人心不報榮由是怙寵益橫夷漢

居民恨入骨相率燔稅廠殺委官榮猶弗悛恣行毒

虐杖斃數千人至是以求馬不獲繫指揮使賀瑞鳳

且言將盡捕六衛官於是世勲等率寃民萬人焚榮

第殺之并殺其黨二百餘人事聞帝為不食者數日

欲還問守土官閤臣沈鯉揭爭且密囑太監陳矩劄

陳帝乃止誅首兇世勲等

時高淮徵稅遼東時時出塞射獵發黃票龍旗走朝

鮮索冠誅貂馬數與邊將爭功山海關內外咸被其毒於是前屯衛軍盡甲而譁誓食淮肉未幾錦州松山軍復變淮所遣承舍吳守政自到死淮懼內奔閤臣朱賡言未逾月而遼境四鄰皆淮所致饑軍合叛衆臣不知遼事之終矣不報

夏六月畿內蝗

秋七月沈一貫沈鯉罷

給事中陳嘉訓御史孫居相

字伯輔
沁水人

交章詆一貫奸

貪一貫憤求去帝為黜嘉訓奪居相俸而允一貫歸
一貫素與沈鯉忤懼去後鯉為已憂因密傾之帝亦
嫌鯉方鯉會鯉同時乞休遂並命致仕而一貫獨得

溫旨焉

一貫當國杖拄清議好同惡異與前後諸臣
畧同而楚宗妖書京察三事獨犯不韙論者

醜之歸後言者追劾之不止及卒贈太傅謚文恭鯉
在政府秉正不阿以壓於一貫志不盡行罷相命下
舉朝駭愕及抵家猶極陳急政之
弊以明作進規卒贈太師謚文端

冬十二月棄六堡

初六堡既築生聚日繁至六萬四千餘戶至是李成

梁以地孤懸難守與總督蹇達

重慶人

巡撫趙楫

大興人

建議棄之盡徙居民於內地居民懸戀家室或不從

則以大軍驅迫之死者狼籍給事中宋一韓

陳州衛人

力

言棄地非策御史熊廷弼

字飛百江夏人

亦以為言帝卒用

成梁議自是遼左藩籬盡徹

丁未

三十五年夏四月伊勒敦達春

舊作銀定今改後仿此

犯涼

州官軍擊破之

時松山既復寇復據賀蘭山結青海諸部寇鈔不已

伊勒敷達春尤桀驁三十三年連營犯鎮番注見前總

兵官達雲與副將柴國柱西寧衛人繫之寇大敗去未幾

青海寇復大入將士分道遮擊生擒其長沙喇舊作沙賴

今改餘敗走至是伊勒敷達春復連兵犯涼州雲與國

柱及副總兵官秉忠榆林衛人逆戰大破之寇屢被挫悉

去

五月以于慎行李廷機葉向高字進卿福興人俱為禮部尚書

兼東閣大學士預機務

時內閣惟朱賡在帝命增置閣臣廷推慎行廷機向
高三人遂用之并召還王錫爵三辭不允時言官方
厲鋒氣錫爵進密揭力詆中有上于章奏一概留中
特鄙夷之如禽鳥之音等語言官聞之大憤文章論
劾錫爵闔門養重竟辭不赴

又三年錫爵卒於家贈太保謚文肅

秋八月彗星見

冬十一月于慎行卒

謚文定

慎行明習典制為禮部尚書諸大禮多所裁定以請
建儲忤帝意家居十餘年召掌詹事不至入閣命下
再疏辭不允至京十有三日而卒

慎行學有原委貫穿百家在詞館中

以慎行及馮琦文學為一時冠馮琦字用韞臨朐人

十二月蠻陷武定

元羅婆部後改武定路明置武定軍民府今為府屬雲南

武定自洪武十四年以女土官商勝首先歸附詔設

土知府即以勝署府事至正德初武定阿英以賄通

劉瑾得襲知府改姓鳳氏嘉靖中以武定屢叛

土舍鳳朝

文與尋甸土舍安銓合兵為亂官軍討誅之未幾同
繼祖復叛繼祖本他姓子冒鳳氏宗謀嗣職遂發兵

圍府剽掠州縣屢敗官軍會鎮撫官督諸道兵並進
繼祖奔東川婦家賊帥者色斬之以獻尋甸元德

仁府明改尋甸今為州乃改設流官授鳳厯子思堯
屬曲江府東川注見前

為經歷厯以思堯不得知府怨望復謀作亂被擒誅

死鳳氏土職盡絕至是鳳阿克繼祖與賊黨鄭舉等

阿克徙居金沙江有馬頭四十八人而鄭舉稱首慄
悍多力富於財知府陳典收禁之舉以兼金置魚腹

中饋典獲免已復收之如是者再陰結會川注見諸
四舉惡其無厭乃誘阿克作亂

蠻攻陷武定大肆剽掠連破元謀元縣今屬羅次元

後改縣今
屬雲南府

諸城索府印會知府携印會城不得能乃
劫推官直抵會城請冠帶印信鎮撫以徵兵未集遣
人以府印授之賊退入武定立阿克為知府

戊申 三十六年春二月京師地震

飭邊備

是時蒙古喀爾喀諸部悉歸我

大清薊遼總督塞達疏陳東方隱憂宜早為備廷臣請
亟罷礦稅以安人心不省尋命守臣嚴備邊

夏六月李成梁罷

成梁始鎮遼東銳意封拜師出必捷威鎮絕域已而

位望益隆子弟盡列宗階

成梁弟成材參將子如松如栢如栢如樟如梅皆總

兵官如梓如梧如桂如楠亦皆至參將

僕隸無不榮顯貴極而驕奢侈

無度軍貲馬價鹽課市賞歲乾沒不貲金遼商民之

利盡籠入已以是灌輸權門結納朝士中外要人無

不飽其重賕為之左右其戰功率在塞外易為緣飾

若敵入內地則以堅壁清野為辭擁兵觀望甚或掩

敗為功殺良民冒級閭閻共為蒙蔽以故物議沸騰
後申時行許國王錫爵相繼謝政成梁失內主遂以
去位其所藉健兒李平胡孫守廉輩皆富貴擁專城
暮氣難振又轉相掊克士馬為之消耗及成梁再鎮
遼又議棄六堡為言者論劾帝素眷成梁不之罪及
是罷久之卒

年九十

秋九月武定賊平

鳳阿克既自立為知府益結賊徒四出焚掠所至殘

滅巡撫陳用賓總兵沐濬俱以失事下獄論死時尋

甸土目楊禮亦結火頭者色及土婦海冲為亂攻破

嵩明

注見前

吏目韋宗孝學正龍旌死之官吏多為賊

殺御史周懋相急調霑益

注見前

等處土兵擊之屢戰

皆捷及是鎮撫官分五路兵進勦鄭舉等方西破祿

豐

元縣今屬雲南府

知縣蘇夢暘力戰死聞諸路兵已大集

舉與阿克遂奔東川官軍追及之土司祿哲縛阿克

鄭舉以獻而參政楊俊臣亦擊敗海冲副使羅希益

復擊斬楊禮於是武定及元謀羅次嵩明祿豐等州縣皆復械阿克等至京師磔於市乃悉置流官

冬十一月朱賡卒

諡文懿

賡醇謹無大過與沈一貫同鄉相比暱給事中姚文

蔚

錢塘人

以故蒙詔病當一貫沈鯉去位時賡年已七

十有二獨當國政時朝事日弛中外解體賡疏揭月數上請帝更新庶政帝雖優答之而終不能行至是卒於官贈太保

十二月朶顏寇薊州京師戒嚴

朶顏長安之子賚雲丹

舊作賴
暈歹

狡黠為邊患與其從

父莽吉爾

舊作蟒金
今並改

潛入薊鎮大掠河流口參將馬

棟等不能禦時援師所過居民望見火光驚為敵至

逃入京師者日數萬九門盡閉兵部尚書李化龍請

以三十萬金補薊鎮缺餉并修守備之具而度支告

匱戶部請暫借內庫鹽稅銀限以歲月補完帝難之

命發太僕寺馬價十萬戶部銀十萬畀之軍情稍定

敵以有備引去

巳酉

三十七年春三月恭圖陷大勝堡

在錦州府
錦縣北

先是朵顏結黃台吉謀犯喜峰口總兵官杜松

字來
清崑

山人受總督王象乾

字子廓濟
南新城人

指潛搗黃台吉帳以牽

薊寇乃從寧遠中左所夜馳恭圖營掩殺百餘人以

大捷聞兵備副使馬拯謂彼無故被勦必復仇事且

叵測至是果以五千人攻大勝堡執守將耿尚仁支

解之殺掠幾盡復深入小凌河

注見前

二十二里官軍

禦之大敗時杜松駐大凌河

在錦縣東流出喀中江
威蘇國山下流至鮎魚

塘入海

不敢救遠人多咎松部議亦以釁由杜松令戴

罪自効松志甚言撫按諸臣附會馬拯害其奇功乃

自提兵出塞將搗巢以雪前恥而所得止五級士馬

多陷沒松益慚盡焚鎧仗置兵事不問乃勒還籍

葉向高請發言官章疏不報

時言路互相詆訐帝心厭之章悉留中御史鄭繼芳

藍山力攻給事中王元翰

字伯舉
寧州人

貪婪不法元翰亦

神宗怠政偷安
已漸成痿痺結
習至有司章疏
盡求之高閣度
置不觀遂至羣
口紛心釋無忌

俾留中一節實
為執政之尤葉
向高不力請隨
事批答以期戒
庶廢而勵精勤
僅欲為言路評
其曲直已非正
本清源之見乃
并此不能行使
樹黨者益相持
不已甚且以飛
章一劾即遣人
固守其家迫之
使去日中全無
國憲朝廷亦若
罔聞知尚成何

疏詆繼芳左右二人者復相角不已向高請盡下諸

疏勅部院大臣評曲直罪其論議顛倒者一二人以

警其餘不報諸臣既無所見曲直益樹黨相攻繼芳

翰奸職數十萬即潛遣人固守元翰家元翰憤甚乃
盡出篋篋昇至國門縱吏士簡括恟天辭朝而去吏

部坐元翰擅離

職守謫其官

庚戌 三十八年夏四月正陽門災

時京師久旱正陽門樓火給事中周日庠臨川人疏言

正陽城樓與正殿相對義取當陽自萬厯二十年來

大小臣工莫見聖容朝夕左右不過宦官精明強毅之心日蝕月消而人材邪正政事得失都置膜外昔年宮殿災業已示譴迄今十餘年玩愒如初所謂恭己正南面者杳無時日則何取於正陽之名為哉願稍振刷勤庶政親百姓疏入不報

冬十一月壬寅朔日食

禮部右侍郎翁正春

字兆震
候官人

言前兩歲食四月朔純

陽之月也今食十一月朔陽生之月也豈非陽德有

李三才本一賂
道結納之人矯
紳沽名其心豈
誠傾折東林者
時深窺一時清
流急習因借燕
素小廉交歡謠
社以園內可把

虧是以上天譴告如此日之食與更在一時而皇上

之寢與行祇在一念誠翻然轉移太平盛業將綿萬

世疏入不報

亥 辛
三十九年春二月巡撫鳳陽都御史李三才罷

三才在淮久以凌折稅監得民心

山東稅監陳增魚
領徐州數官辱長

吏獨三才以氣凌之裁抑其爪牙肆惡者當密令死
囚引為黨報捕殺之增為奪氣歛人程守訓以皆官

中書為增參隨縱橫自恣三才劾治之得贖數十萬
增懼為已累亦收獲守訓遠禁珍寶聞於朝論死遠

近大屢加至戶部尚書然頗通賂遺結納遍海內輔

將朝局外堪標
稽士林耳若高
顧諸人用理學
之名倡盟壇玷
甚至輔臣臺諫
莫不竿牘公行
况如李三才久
以幹畧推重封
疆未始不欲借
其聲勢資為樂
援此真當日彼
此託契之由非
庸論所能推見
至隱者卒之樊
深禍亟焦爛為
期蓋緣士氣日

臣缺建議者請參用外僚意在三才由是忌者日衆

工部郎中邵輔忠定海人劾其貪偽險橫御史徐兆魁

東莞人喬應甲猗氏人給事中王紹徽咸寧人等十餘人繼

之胡忻秦州人曹于汴字自梁安邑人等交章論救朝端聚訟

數月未已顧憲成方講學東林貽書葉向高孫丕揚

盛稱三才廉直三才與憲成深相結嘗請增大條選科道錄遺佚因言諸臣祇以議論意

見一觸當途遂永棄不收要之於陛下無忤今乃假天子威以錮諸臣復假忤主之名以文已過負國負君罪莫大此意為憲成發也三才用則如流水嘗安憲成止疏三四色版明盛陳百味憲成討而問之三

幸則人心日替
而國運亦日衰
可知勢會所趨
即諸黨人亦難
自主可勝嘆哉

才曰昨偶乏即寥寥今偶有故
羅列憲成以此不疑其綺靡

御史吳亮武進人
中行子素

善三才以憲成書附傳郎報中由是議者益譁三才

力請罷去疏至十五上不得命遂自引歸帝亦不罪

也三才才大而好用機權籠絡朝士既家居忌者慮
其復用御史劉光復劾其盜皇木營建私第至二

十二萬又侵奪官廩為園囿且言與于玉立遙執相
權意所欲用銓部輒為推舉給事中劉文炳御史李

徵儀等亦相繼論劾三才愆甚諸諸臣會勦乃詔徵
儀偕給事中吳亮嗣往未幾光復坐事下獄三才請

釋之而復力為東林辨白言東林者顧憲成講學之
所從之遊者如高攀龍姜士昌錢一本劉元珍安希

范岳元聲薛敷教等並束身勵名行何負國家哉偶
曰東林便成陷穽如鄧元標趙南星等被以此名即

力阻其進所朝上而夕下者惟史繼偕諸人耳人才
邪正實國祚所關疏入衆益恨之亮嗣既往勘久之
無所得第如光復言還報遂落三才職為民方三才
之罷攻之者邵輔忠徐元魁喬應甲後皆附魏忠賢
名麗逆按而推轂三才若顧憲成鄒元標趙南星輩
皆表表為時名臣故世以三才為賢劉光復青陽
人于玉立字中甫金壇人劉大炳寧晉人李微儀廣
德州人吳亮嗣廣濟人姜士昌字仲文丹陽人安希
范字小范無錫人
史繼偕晉江人

三月大計京官祭酒湯賓尹

字嘉賓宣城人

等降黜有差

時廷臣黨勢日盛賓尹與諭德顧天竣各收召朋徒
干預時政謂之宣崑黨皆以賓尹天竣所居縣目之

宣崑齋楚結黨
紛紜日以并轡
異同為事甚至
京察鉅典亦任

右軍競起把持
而言路一攻廷
臣即開而引去
自昔門戶之志
未有甚於是時
者總由神宗耽
習宴安章奏悉
五之不問遂使
黨勢益熾國脈
輟傷明祚之旋
即傾覆其故雖
非一端而人心
世俗之壞實亦
言訖錮所由也

也而言路又有齊楚浙三黨

自帝倦勤內外章奏悉留中不發惟言路一攻

則其人自去以故臺諫之勢積重不返

齊則元詩教

萊蕪人

周永春

金鄉人

韓浚

淄川人

張延登

鄒平人

為之魁而燕人趙興邦

高邑人

輩附之楚則官應震

黃岡人

吳亮嗣田生金

麻城人

為之

魁而蜀人田一甲

忠州人

徐紹吉

保寧衛人

輩附之浙則姚

宗文

慈谿人

劉廷元

平湖人

為之魁而商周祚

會稽人

毛一

鷺

遂安人

過廷訓

平湖人

等附之與賓尹天峻聲勢相倚

並以攻東林排異已為事

創大東小東之說目東宮為大東東林為小東一人

湯賓尹越房搜
卷拔取私人致
十七人亢而效
之彼此抵牾毫
無忌憚科場之
弊已極王國月
為主司甘心為
賓尹所用吳道
南職在知舉見
聞既確輒復自

稍異譏輒羣起逐之大僚非其黨不
能安於其位天下號為當閹虎豹

是年當大計京

官惡東林者設詞以惑吏部尚書孫丕揚令發單咨

是非將陰為鈎黨計侍郎王圖

字則之
擢州人

急言於丕揚

止之羣小大恨圖先典庚戌會試賓尹以庶子為分

校官嘗越房取其私人韓敬

字求仲
歸安人

為第一

敬受業
賓尹及

會試敬卷為他考官所棄賓尹搜得之與各
房互換聞卷凡十八人彊圖錄敬為第一

知貢舉

侍郎吳道南

字會甫
崇仁人

欲劾之未果至是賓尹已為祭

酒而圖方掌翰林院祭酒京察例由掌院注考賓尹

彈章皆顯戮
不容稍稽者
以門戶依違
名莫正僅藉
時察典薄罰
官厥後宿尹
鄉肆橫強奪
妻更恃熊廷
為之袒護雖
荆養喬段人
人之劫亦不
謂存了事朝
尚可問耶

恐被察屬圖鄉人王紹徽為之請圖峻拒之又御史

金明時

德清人

居官不職慮見斥會有為浙江巡按鄭

繼芳偽書抵紹徽者

書有云欲去福清先去富平欲去富平先去耀州兄弟又言秦

脉斬斷吾輩可以得志福清謂葉向高耀州兄弟謂國與其兄國富平即丕揚也國時巡撫保定圖為侍郎與丕揚俱秦人故曰秦脉蓋小人設為挑激語以害繼芳輩而其書乃達之丕揚丕揚不為意明時廉得之明時疑書出選授御史徐縉芳
晉江人
等
時候命未下
乃

先上疏力攻圖并詆縉芳因及偽書事圖與縉芳皆

疏辨朝端閼然及注考丕揚與侍郎蕭雲舉

廣西宣化人

副都御史許宏綱

東陽人

領其事考功郎王宗賢

清源人

都給事中曹于汴御史湯北京

字伯閑
宜興人

喬允升佐之

北京謂明時倡言要挾逃察丕揚特疏劾之旨下議

罪而明時辨疏復犯御諱帝怒褫其職其黨大譁謂

明時未嘗要挾北京祇以劾圖一疏為圖報復於是

主事秦聚奎

漢陽人

力攻丕揚等結黨欺君丕揚因發

聚奎前為知縣時貪虐狀劾罷之而宿尹天峻御史

劉國縉及前給事中鍾兆斗陳治則

餘姚人

宋一韓姚

文蔚御史康丕揚徐大化

會稽人

主事鄭振先

武進人

張

嘉言

湘潭人

等咸被察又以年例出紹徽及其同官喬

應甲於外

時察疏未下黨人咸謂丕揚果以偽書故斥紹徽國縉且二人嘗攻李三才王元翰

故為修陳議論洵洵禮部主事丁元薦甫入朝即抗章盡發宣臺搆謀狀於是黨人姚宗文等爭擊元薦為金明時訟寃賴葉向高調護至五月

察疏乃下

丁元薦字長蘅長興人

由是諸失意

者相繼攻丕揚及圖至秋圖遂引去明年二月丕揚

亦拜疏歸

初嘉隆以前士大夫清廉自重以掛察典為終身之玷及帝之世閣臣有所徇庇間

留一二以撓部權而羣臣水火之爭莫甚於是年及丁巳黨局既成互相報復至國亡乃已

丁巳京察

事具
後

夏六月大水

南北兩畿及湖廣皆大水諸大吏請罷榷稅以甦民
命不省

秋九月戶部尚書趙世卿上疏去位

世卿饒心計在戶部酌劑贏縮軍國賴焉福王成婚
及公主下嫁凡額外宣索世卿俱力爭楚王與宗人
相訐世卿嘗官楚府長史言王非偽與沈一貫合遂

為廷臣所惡論劾相世繼上疏乞罷出城候命至踰
年不報乃乘柴車去

子 四十一年夏五月甲午朔日食

秋八月以刑部尚書趙煥

字文光
振人

兼吏部尚書

時帝怠荒益甚二十年餘未嘗一接見大臣曹署多
空內閣止葉向高杜門已久六卿惟煥一人又兼署
兵部至是改署吏部兵部尚書李化龍卒召王象乾
未至亦不除侍郎戶工禮三部止各一人都察院自

溫純罷去八年無正官六科止數人十三道皆以一人領數職在外巡按十餘年不得貸督撫監司亦屢闕不補郡守缺什之五六文武大選急選官及四方教職積數千人以吏兵二科缺掌印不給牒文滯都下時攀執政輿哀訴煥累疏乞除補始除侍郎四人既而考察命下補科道六十餘人時稱盛事云

九月李廷機罷

廷機性廉潔然頗刻深不諳大體

其在禮部楚宗人華超以奏訐楚王

既擬奪爵銅高牆廷機援祖訓謀害親王例議
置之死言路勢張政府暨銓曹畏之不敢出諸外年
例幾廢主事聶雲翰論之廷初入閣廷臣爭論之廷
機希言路意中雲翰察典

機累疏乞休不允杜門不出待命逾年乃屏居荒廟
人跡都絕言者猶攻之不已至是疏已百二十餘上

不得命竟歸

廷機繫閣籍六年秉政止九月無大過
言路以其與申時行沈一貫密相比故

交章逐之輔臣以齟齬受辱屏棄積年而後
去前此未有也歸四年卒贈少保謚文節

四十一年春三月加淮揚田賦

癸丑

時江上有倭警需餉急鳳陽巡撫陳薦

祁陽人

請加派

銀十五萬兩有奇從之

夏六月詔布色圖襲封順義王

三十五年順義王徹里克死孫布色圖應嗣求婚於

忠順夫人忠順拒之其所部薩納台吉舊作素
囊台吉及烏

魯台吉舊作五路
台吉今並改等各不相下封號久未定至是

布色圖始婚於忠順東西諸部長皆具狀為請封忠

順夫人旋卒詔封布色圖為順義王然勢益衰不復

能力制諸部矣

時布色圖所制止山大二鎮外十二
部其部長烏魯台吉薩納額森台吉

等兵力皆與順義埒朝廷因宣大總督涂宗濬言各
與陞賞加例
涂宗濬南昌人額森台吉舊作兀慎

台吉
今改

秋七月兵部尚書孫瑋

字純玉
渭南人罷

瑋素負時望以兵部尚書兼掌都察院左都御史事

方欲振肅風紀而是時朋黨勢成言路大橫會御史

孫居相給事中孫振基

字肖岡
潼關衛人

再發湯賓尹科場

事

賓尹以考察襁官韓敬亦稱疾去事三年矣會進
士鄒之麟分校順天鄉試所取童學頗有私居相

并賓尹事發之旨下部院議顧不及賓尹事振基疏
請並議未得命禮部侍郎翁正春議黜學顏謫之麟

亦不及賓尹事振基謂議者庇之上疏論劾帝再下廷臣議正春乃坐敬不謹落職於是黨人忤詩教等交章論列并劾正春紛呶不已鄒之麟武進縣人南畿巡按御史荆養喬臨晉

人與提學御史熊廷弼復以賓尹鄉人事相訐賓尹家居

嘗謀奪生員施天德妻為妾訐訟女投池死諸生馮應祥萬承縉輩遂告於官為建祠以愧賓尹後承縉又發諸生梅振祚宣祚朋姦事廷弼素交懼賓尹判牒云此施湯故智會有司報承縉及應祥行劣廷弼杖之永縉尋覓養喬夙與廷弼抵牾遂劾廷弼殺人媚人疏上徑自引去廷弼亦上疏辯瑋議養

喬鵠秩廷弼解職聽勘廷弼黨官應震吳亮嗣遂連章攻瑋而振基及諸給事御史劾應震等植黨背公

南北臺諫議論方囂各有所左右而帝竟如瑋言令

廷弼解職吏部尚書趙煥元詩教鄉人也惟詩教言

是聽以年例出振基及御史王時熙

南昌人

魏雲中

武鄉

人與時熙俱力攻宿尹廷弼者

於外不關都察院瑋以失職求去疏

十餘上始予告歸

大水

兩畿河南山東湖廣江西廣西俱大水

八月以方從哲

字仲涵其先德清人隸籍錦衣衛

吳道南並為禮部尚

書兼東閣大學士預機務

自朱賡卒李廷機罷葉向高遂獨相屢請增置閣臣
章百餘上至是始命二臣入閣時道南在籍逾年乃
至故事廷臣受官先面謝始蒞任帝久不視朝道南
至不獲見不敢入直從哲為言帝令先蒞任道南始
視事

九月吏部尚書趙煥罷

煥素有清望於朝臣無所左右顧雅不善東林故諸

黨人攻東林者乘間入之所舉措往往不協清議先

後為御史李若星

字紫垣
息縣人

給事中孫振基等所劾煥

遂乞罷業向高請諭煥起視事

向高言今國事艱難
人才日寡在野者既

賜環無期在朝者復晨星無幾乃大小臣工日尋水火非國家福也臣願自今以後共捐成心憂國事
議論聽之言官主張聽之當事使大臣得展布而毋
苦言官之掣肘言官得發舒而毋畏當事之摧殘天
下事尚
可為也煥乃出既而御史湯兆京以振基出外不移

咨都察院守故事力爭不已投劾徑歸其同官李拜

華

字孟開
吉水人

周起元

字仲先
海澄人

孫居相及郎中賀煥

丹陽人

復交章劾煥擅權帝為奪諸臣俸貶煥官以慰煥

請去益力遂叩首闕前出城待命踰月乃許乘傳歸

甲寅 四十二年春二月以鄭繼之

字伯孝
襄陽人

為吏部尚書

繼之年八十餘耄而憤一聽楚黨意旨文選郎王大

智

王田人

繼之所倚信已而復任胡來朝

贊皇人

定制科

道外轉必會都察院吏科協議自趙煥始及繼之皆

不令與聞都給事中李瑾

襄陵人

抗章力爭御史周起

元等亦引故事以言瑾爭之尤強來朝不能難乃嗾

其黨羣起攻之瑾疏三上來朝亦三疏詆訐詞頗窮
乃言年例協贊之旨實秉國者調停兩袒非可為制
乞改前令從事帝一無所處分時給事中張國儒已
陪推京卿法不當轉外來朝以其異已遂出之繼之
不能禁也

慈聖皇太后李氏崩

諡孝定

太后性嚴明萬厯初政保護之力居多姜應麟以疏
請建儲被謫太后聞之弗善也一日帝入侍太后問

裂地以王諸子
明祖葬政本不
足法至神宗還
受福王及出就
藩封營邸倍於
常制而且膏腴

故帝曰彼都人子也內廷呼宮人曰都人太后亦由
宮人進遂大怒曰爾亦都人子帝伏地不敢起儲位
由是定福王之藩期屢易鄭貴妃欲遲之明年以祝
太后誕為辭太后曰吾潞王亦可來上壽乎貴妃乃
不敢留王未行而太后崩

三月福王常洵之國

初福王婚費三十萬營洛陽邸第至二十八萬十倍
常制又設官店於崇文門外以供福邸及府第成廷

暨英傾國用以
斥治行裝適足
啟其貽害會怯
之漸迨後羣盜
生心卒以象盛
自焚不可謂非
貽謀之不善至
於之藩定期屢
易不過神宗受
懷幼子福王依
從之聞而廷臣
擬從其逗留意
在尋弼又文意
促已為過當乃
許人亦從而效
尤敢肆怨德之

臣請王之藩者數十百奏不報四十一年春廷臣復

交章力請帝以明春為期已忽傳旨莊田非四萬頃

不行廷臣大駭

葉向高因言莊田四萬頃必不能足今王之國且無日明旨又不信於天

下矣且王疏引祖制而祖制無有是事昔惟世宗時
景王有之景王之不之國皇考在裕邸危幾不安

此何可效也帝報曰莊田自有成例且今大分已定
何猜向高又言皇考時名位雖未正然講讀不輟情
意自通今東宮輟講八年且不奉天廟久而福王一
日兩見以故不能無疑惟堅守明春期而無以莊田

藉口天下疑自釋

會錦衣百戶王曰乾許奏鄭貴妃內侍姜

嚴山與奸人孔學及妖人王三詔等用厭勝術詛咒

皇太后皇太子死欲擁立福王

曰乾京師奸人與孔學趙宗舜趙聖等相

說以逞其簧鼓甚且入皇城放

礮實為法所難

寬而刑臣不敢

加誅問臣請以

靜處姑息養奸

恬不為怪當時

法令弛尚可

問于

許告刑官讞未竟曰乾乃入皇城放礮上疏刑官大驚將擬以死罪曰乾遂許學等謀變欲以害之帝

震怒葉向高請帝以靜處之因言曰乾疏不宜發宜

留中而別諭法司治諸奸人罪且速定福王明春之

國期以息羣喙帝納其言尋又諭改期向高封還手

勅力諫帝不得已從之至是始令就藩歷年稅使礦

使所進珍奇贏羨悉以資之賜莊田二萬頃

以廷臣言減去

二萬中州腴土不足取山東湖廣田益之王又奏乞淮

鹽數千引開市洛陽中州舊食河東鹽以改食淮鹽
河東引過不行邊餉由此大絀

釋楚宗幽禁諸人

楚宗之獄廷臣互有左右厯數年卒不得白至是禮

部侍郎孫慎行

字聞斯
武進人

力言楚宗殺趙可懷不得為

叛乃稱太后遺詔釋之

夏六月葬孝定皇后於昭陵

秋八月禮部侍郎孫慎行罷

慎行素講學東林為黨人所忌及在禮部遇事皆切

諫

時郊廟大享諸禮帝二十餘年不躬親東宮輟講至八年皇長孫九齡未就外傳瑞王年二十三未

婚福府莊田取盈二萬將之國韓敬科場議久不定

慎行特擬黜敬

黨人袒敬者追論湯賓尹越虜取卷時各分考俟效之競相搜取因欲十

七人並罪藉以寬敬慎行乃集廷臣議卒坐敬關節而為十七人昭雪

黨人益大恨會

疏上留中於是過廷訓示詩教等相繼攻之慎行遂

連疏引歸

時敬科場事先後與敬為難者非出外即引去而敬以黨人護持久之僅請行人司

副凡七年而事始竟

葉向高罷

向高久以宿望居相位每事執爭效忠盡帝心重之

其言多格不用所救正十二三而已

向高嘗疏言今天下必亂必危

之道蓋有數端而災傷寇盜物怪人妖不與焉廊廟空虛一也上下否隔二也士大夫好勝喜爭三也多藏厚積必有悖出之禍四也風聲氣習日趨日下不可挽回五也非陛下奮然振作簡任老成布列朝署取積年廢弛政事一舉新之恐宗社之憂不在敵國外患而在廟堂之上也帝不能用向高復言陛下欲用臣則當行臣言令章奏不發大僚不補起廢不行臣留何益又言令中外離心革輟肘腋間怨聲憤盈禍幾不測而陛下務與羣臣隔絕帷幄不得闕其中六曹不得舉其職舉天下無一可信之人而自以為

神明之妙用臣恐自古聖帝明王無此法也帝俱不省

嘗卧疾閣中無人章奏

就其家擬旨者一月後堅卧不出即家擬旨如前論者以為非禮及主癸丑會試章奏皆送閣中尤為異事累疏引退輒優旨慰留至是疏四十餘上詞極哀始允其去

乙卯 四十三年春三月丁未朔日食

夏五月畿內山東旱

男子張差持挺入慈慶宮伏誅

女男子闖入禁門自有應坐之

伴風癩與否本
其事深求自益
廷議論紛吸礦
以疑案總由當
時坤坤擅寵奸
名者輒以欲安
儲自任遂爾過
事生風不知鄭
貴妃果存喬嫡
之意宮掖陰謀
豈能防測何必
令狂徒持挺公
肆逆圖況太子
深處慈慶又豈
一擊之所能傷
倘蓄意三年僅

太子居慈慶宮有不知姓名男子持棗木挺入宮門

擊傷守門內侍至殿前檐下被執皇太子奏聞帝命

法司案問巡視皇城御史劉廷元鞠奏犯名張差薊

州人口中吹吸語無倫次按其迹若涉風癩稽其貌

實係黠猾請下法司嚴訊時東宮雖久定帝待之薄

中外方疑鄭貴妃與其弟國泰謀危太子及差被執

舉朝驚駭廷元既以風癩奏刑部郎中胡士相

平湖

等復訊一如廷元指

言差收積薪草為人所燒氣憤赴朝聲冤行至東華門遇一人

成孟浪之舉雖至愚不應出此下策其事因情理所必無乃舉國若狂妄生荆棘必待至尊臨軒剖斷吏宮委曲求全君臣父子之間至以文偽調停尚復以何事體雖由諸臣之好事生非亦可見達儒之無益有損其流嬰固無所不至耳

謂持板入可當冤狀遂誤入東宮

按律當斬加等立決奏定未上會

提牢主事王之寀

字心一朝邑人

散飯獄中私詰差得口詞

甚悉

差初不肯承已云不敢說寀乃麾左右出留二吏扶問之始言小民張五兒有馬三舅李外父

令隨不知姓名一老公說事成與汝地幾畝比至京入不知街道大宅子一老公飯我云汝先衝一遭遇

人輒打死乃昇我棗木棍導我由厚載門到宮之寀擊門者墮地老公多遂被執老公內侍通稱也

備揭其語因侍郎張問達以聞且言差不癲不狂有

心有膽乞縛凶犯勅九卿科道三法司會問疏入未

下廷臣連章趣之而郎中陸大受

字聚遠武進人

疏有奸戚

二字帝惡之與之案疏俱不報御史過庭訓言禍生

肘腋宜亟剪除亦不報庭訓遂移文薊州踪跡之知

州戚延齡具言其致癲始末

言貴妃遣瑞建佛寺瑞置陶造甃居民多鬻薪

獲利者差賣田買薪往市于瑞土人忌之焚其薪差訟於瑞被責差產破薪焚不勝憤故持杖欲告御狀

於是原問諸臣據為口實遂以風癲二字為定案越

數日問達以員外郎陸夢龍

字君啟會稽人

言令十三司會

鞠衆咸囁嚅夢龍獨詳訊之具得內監龐保劉成主

使狀

夢龍見差長身駢脅睨視傲語絕無風癲狀因呼紙筆命畫所從入路須臾圖成具供馬三舅

名三道李外父名守才不知姓名老公乃修鐵瓦殿之廐保不知街道宅子乃住朝外大宅之劉成且言二人與我金銀壺各一盃我已三年令我打上官門打得小爺喫有著有小爺者內監所稱皇太子者也又言有妙夫孔於是刑部行薊州道提差所供馬三道同謀凡五人

道等疏請法司提龐保劉成對質保成皆貴妃內侍中外籍籍語多侵國泰國泰懼出揭自白給事中何

士晉

字武義
宜興人

直攻國泰且侵貴妃

士晉疏言國泰若欲釋人疑惟明告

貴妃力求陛下速令保成下吏考訊如果國泰主謀是大逆罪人非但貴妃不能庇即陛下亦不能庇設與國泰無干請令國泰自任凡皇太子皇長孫一切起居悉屬國泰保護稍有疎虞罪即坐之則臣與在

廷諸臣亦願陛下保全國奉無替恩禮若國奉畏有連引預焚惑聖聽久稽廷訊或潛散黨與使之遠遁或陰避張差以冀滅口則國初奸人王曰乾上變言泰罪不容誅矣疏入帝大怒

巫蠱事辭已連成至是復涉成帝心動諭貴妃善為計貴妃窘乞哀皇太子自明無他帝令太子白之廷臣太子亦以事連貴妃大懼請帝速具獄毋株連帝乃御慈寧宮太子侍御座右三皇孫雁行立左階下召大學士方從哲吳道南及文武諸臣入責以離間父子因執太子手謂諸臣曰此兒極孝朕極愛惜使

朕有別意何不早更置

御史劉光復跪於班後大言曰皇上甚慈愛太子甚仁孝

其意固將順也帝不甚悉詰問為誰中使以御史劉光復對光復猶大言不止帝令中涓縛之著刑部重

擬光復罪

因命內侍引三皇孫至石級上令諸臣熟視曰

朕諸孫俱已長成更何說顧問太子有何語與諸臣

悉言無隱太子具言瘋癲之人宜速決并責諸臣言

我父子何等親愛而外廷議論紛如爾等為無君之

臣使我為不孝之子帝復謂諸臣曰爾等聽皇太子

語否復連聲重申之諸臣叩頭出遂磔差於市掠死

成保禁中馬三道等皆議流其事遂止帝不見羣臣
二十五年矣至是特一出以釋羣臣疑且調劑貴妃
太子念其事有跡故於諸言者亦不遽罪也未幾士
晉調外
之案削籍大受奪官而夢
龍獨免光復尋亦見釋

秋閏八月河套諸部犯延綏官軍禦之敗績

是時套虜號十萬然其衆分四十二枝多者二三千
少者不過千騎惟布色圖之子濟農士馬雄諸部為
套中之主先是蒙克錫里舊作猛克
什里今改等以挾賞不獲數

沿邊寇掠總兵官秉忠隨所向以勁騎遮擊屢破之

寇遂遁去至是濟農挾求封王且請市賞邊臣不許

濟農遂合套中諸部大舉入寇東道高家

在茂州北

大柘

油

在神木縣西

神木柘林

在神木縣西南

中道波羅

在榆林府懷遠縣東北

西道磚井

在延安府定邊縣東

寧塞

在延安府靖邊縣西

諸城堡盡被蹂

躪副將孫洪謨禦之大柘油遇伏被執士卒死傷過

半官秉忠聞寇入急遣遊擊張榜潛剗其營又敗死

四百餘人會故帥杜松寧夏總兵杜文煥

字炎武松之姪

援

軍至共擊之寇始敗退秉忠被劾罷去

冬十月京師地震

丙辰四十四年

春正月我

太祖高皇帝建元天命元年

臣等謹按一代之興鴻猷炳鑠史家紀載必據實以徵文我

國

家王迹肇基大東奄宅前卷中所載整旅興師既以恭送大畧至於紀年系統正續綱目於周末書宋明

二太祖事間有參差未為允當伏思我

朝

龍興之始雖明統未亡而

興

朝建國紀年例應大書以昭

肇基偉績臣等屢蒙

欽此

奉

仰批歷代通鑑輯覽

曆訓指示仰見

聖天子大公至正之心實超越千古謹於萬曆四十四年以

後凡恭遇

列聖建元之初並用繫月特書用表

創垂之統而歲首則仍存明之紀年庶前後體例均歸盡善而

我

皇上肇開維嚴之至意與

繼成靡斁之盛心並足昭垂萬世云

我

太祖高皇帝自誅尼堪外蘭之後國勢日隆葉赫等九部來

侵大破其衆

事在辛卯年

哈達貝勒蒙格布祿為葉赫所

誘將害我助防哈達之兵征克其城獲之以歸

事在己亥

年輝發貝勒拜音達哩亦貳於葉赫數背盟約率兵

滅之撫定其國

事在丁未年

烏拉貝勒布占泰嘗戰敗被

俘釋遣歸國申以姻好布占泰復謀背叛屢討不悛

遂大舉伐之布占泰勢窮奔於葉赫其國遂滅

事在癸丑年

時葉赫貝勒錦台什居東城布揚古居西城既而我

太祖復定取葉赫策遣一軍圍布揚古而

親督大兵圍錦台什破其城錦台什就執布揚

古亦降葉赫屬城俱下事在己未年

太祖既削平諸國德威遐布又製國書

先以蒙古字合國語聯綴成句創立滿洲

文尋復以十二字頭無圈點上下字雷同無別因加圈點以分析之

定旗制

初削平諸國設有四

旗旗以純色為別曰黃曰紅曰藍曰白尋添
設四旗參用其色鑲之共為八旗分左右翼
規模宏

遠帝業已成於是諸貝勒大臣等咸奉表勸進以正

月壬申朔尊

太祖為覆育列國英明皇帝以是年為天命元年

兩畿山東河南大饑

是歲陝西山西旱蝗江西廣東湖廣大水

三月辛未朔日食

夏六月天鼓鳴

兵科給事中熊明遇

字良瑞進賢人

疏言入春以來天鼓兩

鳴於晉地流星晝隕於清豐

唐縣今屬大名府

地震二十八

天火九石首

晉縣今屬荊州府

雨菽河內女妖遼東兵端吐

火即春秋二百四十年間未有稠於今日者且山東

大侵人相食黃河羨溢天兼以太白經天輔星湛沒

縈惑襲月金水愆行或日無光芒日月同暈為恒風

為枯旱天譴愈深而陛下所行皆誣天拂經之事此

誠禽息辟首

韓詩外傳禽息秦人薦百里奚於穆公為私而加刑焉公後知奚賢乃召禽息

謝之禽息曰臣聞忠臣進賢不私顯烈士憂國不賈
喪志奚陷刑臣之罪也乃對使者以首觸楹而死

生痛哭之時也敢以八憂五漸三無之說進

內庫太
實外庫

太虛可憂一餉臣乏餉邊臣問邊可憂二套部國王
插部覲費可憂三黃河泛溢運河膠淤可憂四齊魯
荒天楚苦索地可憂五昂鉉不備棟梁常撓可憂六
羣言盈衛訛言載道可憂七吳民喜亂冠履倒置可
憂八公憂未已五漸繼之太阿之柄漸付中涓魁壘
之人漸如隕籜制科之法漸成奸藪武庫之器漸至
銷亡商旅之途漸至梗塞五漸未已三無繼之匹夫
可熒惑天子小校可濫要絲綸是朝廷無紀綱漠黔
之守令皆窮逋楊粵之監司多規避是遠方無吏治
謹攝之口甚於戈戟傾危之禍慘於蘇張是士大夫
無人心天下事
可不寒心哉
帝不省

套虜犯延綏總兵官杜文煥破降之

延綏被寇文煥赴救大破之遂代官秉忠鎮延綏屢

敗寇衆浩爾齊布延泰

舊作卜言太

沙津

舊作沙計今並改

等懼

相率降既而復與濟農合駐高家柘林要封王補賞

十事文煥襲其營斬首百五十浩爾齊諸部落攢刀

立誓獻罰九九

部落中罰駝馬牛羊之數

已沙津又設伏兵誘殺

都指揮王國安糾蒙克錫里連犯雙山

在榆林縣東南

波羅

二堡文煥擊破之追奔二十餘里寇屢不得志沙津

乃與濟農蒙克錫里浩爾齊布延泰等相繼納款延綏遂少事

秋八月皇太子出閣講學

皇太子輟講已十有二年羣臣諫疏凡數百上及是始命舉行然一講而輟後不復舉矣

九月兵部請治兵不報

前以孝定太后喪停操三年至是兵部上言大禮久竣當新戎壘以應秋氣不省

詰戎肆武本非
獨特團操具文
所能擬其機要
況時常邊備日
弛士心解體方
有日蹙百里之

公為極臣者即
以練簡將材凡
如軍實叩關力
求猶懼不克有
何至京營停操
一年果能力為
營餉如古中尉
衛尉所隸亦可
持資捍禦之用
乃計不出此徒
云當新式豈以
勝秋氣明季諸
臣不知國家利
柄習為文親之
言苟且塞責皆
此類誠可笑亦

丁巳四十五年夏旱

自去冬無雪入春不雨至是大旱災歎遍天下有司
請賑率寢不報盜賊四起帝但勅羣臣修省而已

秋七月癸亥朔日食

吳道南罷

道南遇事有操執通達政體頗負時望自入閣後未
嘗一見帝及杖擊之變帝召見羣臣於慈寧宮道南
始得面謝自後不再見前年典會試副都御史沈季

文吳江人

子同和以代倩獲第事覺同和遠戍

同和素不能文

倩同里趙鳴陽為之同和得舉第一鳴陽舉第六事發兩人並謫戍

湯賓尹以道南嘗

欲發其科場事遂嗾其黨交章論之給事中劉文柄

御史張至發

淄川人

相與攻之尤力肆口詆譏道南不

能堪言臺諫劾閣臣職也二百年来有糾閣臣之言

官無詈閣臣之言官臣辱國已甚請立罷黜帝為謫

文炳於外言官疏救文炳復詆道南道南益求去杜

門踰年疏至二十七上帝猶慰留會母喪乃歸居二

年卒

贈少保
謚文恪

戊午 四十六年夏四月京城壕水赤

大清兵克撫順

時我

太祖親率步騎兵二萬進發臨行書七大恨告

天

其詞曰
我之

祖父未嘗損明邊一草寸土也明無端起釁邊陲害我祖父恨一也明雖起釁我尚欲修好設碑勒誓凡滿漢人等

毋越疆圉敢有越者見即誅之見而故縱殃及縱者詎明復渝誓言遣兵越界衛助葉赫恨二也明人於

欽定四庫全書

御批歷代通鑑輯覽
卷一百十二

清河以南江岸以北每歲竊逾疆場肆其攘奪我邊
警行誅明負前盟責我擅殺拘我廣寧使臣綱古哩
方吉納挾取十人殺之邊境恨三也明越境以兵助
葉赫俾我已聘之女改適蒙古恨四也崇河三岔撫
安三路我累世分守疆土之衆耕田藝穀明不容刈
獲遣兵驅逐恨五也邊外葉赫獲罪於

天明乃偏信其言特遣守臣遺書詆詈肆行凌侮恨六也昔
哈達助葉赫二次來侵我自報之

天既授我哈達之人矣明又黨之挾我以還其國已而哈達
之人數被葉赫侵掠夫列國之相爭伐也順天心者
勝而存逆天意者敗而亡何能使死於兵者更生得
其人者更還乎

天建大國之君即為天下共主何獨構怨於我國也初呼倫
諸國合兵侵我故

天厭呼倫故覺惟我是眷今明助天譴之葉赫抗天意倒置
是非固為割斷恨七也因此七大恨之故是以征之

隨告諸貝勒大臣以興師之故遂趨撫順圍其城遣
人以書諭遊擊李永芳永芳降撫順東州馬哈丹三
城及臺堡悉下

撫順守將王
命印死之

廣寧總兵張承蔭

榆林
衛人

率師往援分兵為三據險立營以待

大軍乘風奮擊大破其營承蔭及副將頗廷相參將蒲

世芳等皆戰死士卒逃歸者十無一二焉

時察罕胡
土克圖及

西部阿延妻瑞達勒皆擁衆入邊乘機邀賞羽書日
數十至中外戒嚴帝初頗憂懼章奏時下不數月泄

泄如
故矣

日中有黑子

閏月起楊鎬經畧遼東

前此征倭之役
楊鎬已悉天下
之全力一舉殲
之尚敢說辭報
捷其罪既不容
誅至撫遼仍復
故官旋以聞聲
効罷安望復有
經畧之效廷臣
無識謬稱熟諳
邊情濫邀推戴
不旋踵而措置
茫然全軍盡覆
鎬固死有餘辜

初征倭事竣復用鎬巡撫遼東嘗襲綽哈之衆破之
言官劾其開釁罷去至是以遼警廷議謂鎬熟諳邊
事起兵部尚書往經畧

六月復以趙煥為吏部尚書

先是丁巳京察鄭繼之與署都察院尚書李誌

縉雲人

主其事考功郎趙士諤給事中徐紹吉御史韓浚佐

四廷評之顛倒
死非益可概見
天

之所去留悉出紹吉等意繼之誌受成而已一時清
流與黨人異趣者斥逐殆盡即在籍不免大僚則中
以拾遺以孫慎行趣福王之國為邀功列
之拾遺疏中帝察慎行無罪獲免善類為空
至是繼之去位忝詩教以煥為鄉人老而易制力引
代繼之年七十有七矣比至一聽詩教指揮由是素
望益損與繼之並為時議所譏

京師地震

秋七月

大清兵克清河堡

時

大兵由鴉鵲關入圍清河城守將鄒儲賢張旆以兵萬人固守城上矢石俱下

大兵樹雲梯以登不避鋒刃遂克之儲賢旆皆戰死清河在四山之中東距寬甸南距靉雲北距瀋陽清河既失全遼震動而諸路兵尚未出關帝賜楊鎬尚方劍得斬總兵以下官鎬乃斬清河逃將陳大道高炫

狗軍中至冬四方援兵始集

九月加天下田賦

帝以遼左軍餉不敷除貴州地磽兼有苗變不加外
餘省照萬厯六年會計錄派定七百餘萬頃每畝加
三釐六毫共加銀二百萬有奇次年復加賦額至八
百萬時遼餉五百餘萬軍心賴以粗安而天下蕭然
民生困弊矣

茂陵災

冬十月彗星見

見氐分後十數日犯太微又三日逼紫微垣凡三十
四日乃滅

己未 四十七年春正月蚩尤旗見

長竟天又星隕地震時方議進師識者以為兵敗之
徵

三月楊鎬帥師出塞敗績

帝以四方援遼兵大集恐師老財匱下廷議方從哲

與兵部尚書黃嘉善

即墨人

兵科給事中趙興邦等發

紅旗日趣鎬進兵鎬乃於二月中出塞分兵四道令

總兵官馬林

蔚州人芳之子

出開原攻北僉事潘宗顏

字士簡保

安衛人

監其軍杜松出撫順攻西以趙夢麟

榆林人苛之子

王

宣

亦榆林人

為佐李如栢從鴉鵲關

方輿紀要在清河東南關之東有喜昌口

出趨清河攻南東南則以劉綎出寬甸由涼馬甸

在寬

甸東北亦曰瞭馬臺

搗後以副使康應乾監之而令遊擊喬一

琦

字伯珪上海人

別監朝鮮兵為助號四十七萬期三月一

日會二道關

在今京城西

與並進天大雪兵不前師期洩

松欲立首功先渡渾河

即古小連水自邊外流入經興京東北境西流至奉天

府承德縣南入太子河

連克二小砦遂乘勢趨薩爾許

舊作撒爾湖今

改谷口我

大清兵方築界藩城

在興京西北鐵背山上

役夫萬五千以精騎四

百護之間松軍至伏精騎於谷口以待松軍過將半

伏兵尾擊之追至界藩渡口與築城夫合據吉林崖

松引軍圍崖別遣將營薩爾許山上松軍攻崖方戰

大清益千人助之已又續遣二旗兵趨界藩以為援而
別遣六旗兵攻松別將於薩爾滸山上明日六旗兵
大戰破薩爾滸軍死者相枕藉所遣助吉林崖者自
山馳下擊松軍二旗兵亦直前夾攻松與夢麟宣皆
死全軍盡覆林率開原兵出三岔口

即今奉天府海
城縣明置三岔

關令
廢 聞松軍敗結營自固

大清兵乘高奮擊林大敗遁去

尋謫充為事官
令仍守開原

潘宗顏

力戰死鎬聞急檄止如栢縫兩軍如栢甫抵虎欄關

大清哨兵二十人見之登山鳴螺作大軍追擊狀如栢

軍大驚奔走相蹴死者亦千餘人緹已深入三百里

至深河

輿程記寬甸東北由鎮江路二百五十餘里為深河子皆小徑深林

克三砦時

大清兵守棟鄂路閒緹軍至逆戰緹猶不知杜松軍覆
復整衆進登阿布達哩岡遇

大清兵亦登岡出其上而別以一軍趨緹西岡上軍自
高馳下奮擊緹軍趨緹西者復從旁夾擊已乃張松
旗幟被其衣甲以紿緹營中大亂力戰死緹養子

劉招孫突圍手格殺數人亦死

經於諸將中最驍勇大小數百戰名震海

內所用鎗鐵刀百二十斤天下稱爲劉大刀自經死舉朝大悚邊事日難爲矣

本朝賜專謚忠壯

士

卒脫者無幾時康應乾兵及朝鮮軍營富察之野

大清遂移師邀擊大破之應乾僅以數百騎免一琦敗

走朝鮮營朝鮮帥懼率衆降一琦投崖死是役也文

武將吏前後死者三百一十餘亡失馬駝甲仗無算

敗書聞京師大震言官交章劾鎬尋逮下詔獄論死

夏五月遣給事中姚宗文閱遼兵

初宗文丁憂歸還朝欲補官而吏部題請諸疏率數年不下宗文患之假招陳西部名屬當事薦已疏屢上不得命宗文計窮致書熊廷弼令其代請廷弼不從宗文怨之至是寅緣復吏科遂命閱視遼東士馬六月以熊廷弼為兵部侍郎兼僉都右御史經畧遼東

楊鎬既喪師廷議以廷弼嘗按遼熟邊事

廷弼前按遼趙輯李

成梁議棄六堡宋一韓論之下廷弼復勘具得棄地驅民狀劾兩人罪康丕揚黨庇疏竟不下時有詔興屯廷弼言遼多曠土歲於額軍八萬中以三分屯種可得粟三十萬石帝優詔褒美命推行於諸邊邊將

好輕師啟蒙廷弼言防邊以守為上繕垣建堡有十
五利奏行之在遼數年杜鯤遺積軍資按劾將吏不
事姑息風
紀大振
命代鎬經略未出京我

大清兵已克開原馬林敗沒

廷弼上言遼左京師肩背
河東遼鎮腹心開原又河

東根本開原今已破則北關難保朝鮮亦不足恃遼
瀋何可守也乞速遣將備蜀糧修器械毋窘臣用毋
緩臣期毋中格以阻臣氣毋旁撓以掣臣肘毋獨遺
臣以艱危以致誤臣誤遼兼誤國也疏入報允
北
關在奉天府
葉赫城西北
甫出關鐵嶺復失瀋陽及諸城堡軍民

一時盡竄遼陽洵廷弼兼程進遇逃者諭令歸斬
逃將劉遇節等三人以祭死節之士誅貪將陳倫劾

罷總兵李如楨

如楨成梁第三子素不知兵由父廕歷官至右都督並在錦衣會其兄如

栢革任遼人謂李氏世鎮遼東邊人憚服非再用李氏不可黃嘉善遂以為請帝從之如楨抵遼楊鎬使

守鐵嶺鐵嶺故李氏宗族墳墓所在時如栢還京其族黨部曲高貴者悉隨之西域中為空如楨以孤城

難守還屯瀋陽及鐵嶺被圍遼兵不救城遂失督軍士造戰車治火器濬濠

繕城為守禦計法嚴令行數月守備大固又請集兵

十八萬分布遼陽清河撫順柴河

堡名在奉天府鐵嶺縣東北以近柴

河鎮江

堡名在奉天府鳳凰城東南與朝鮮分界處

等諸要口使首尾相

應帝從之

廷弼初抵遼令僉事韓原善往撫瀋陽憚不肯行又命僉事閻鳴泰至虎皮驛慟哭

而返廷弼乃躬自巡歷自虎皮驛抵瀋陽復來雪夜
赴撫順時兵燹後數百里無人跡廷弼祭諸死事者
乃耀兵奉集相度形勢而還所至招流遺繕守具分
置士馬由是人心始安韓原善趙城人閭鳴泰清
宛人虎皮驛一作十里河站在奉天府承德縣南與
遼陽州接界奉集遼縣後廢今為堡在奉天府承德
縣東南

秋九月廷臣伏文華門請帝視朝發奏章不報

時邊警日至方從哲請帝出御文華殿召見羣臣面
商戰守方略吏部尚書趙煥率廷臣詣文華門固請
帝臨朝議政抵暮遣中官諭之退而諸軍機要務廢

閣如故煥等復上疏趣之且作危語曰他日薊門蹂

躪鐵騎臨郊陛下能高枕深宮稱疾却之乎帝深嘆

馬

煥尋卒郵
典不及

庚申 四十八年春正月朝鮮乞援

是時我

大清兵攻破北關降蒙古宰桑

舊作宰
賽今改

等進攻朝鮮國

王李琿

琿之子三十
六年襲封

上疏乞援而朝議誤聽遼鎮塘

報遂謂琿陽衡陰順宜遣官宣諭或命將監護其說

紛拏琿疏辨言二百年忠臣事大死生一節詞極剴
摯禮兵二部請降勅慰諭以安其心帝是其議然勅
令陪臣齋往不遣官也

夏四月皇后王氏崩

諡孝端

大學士方從哲哭臨畢召見弘德殿跪語良久從哲
請補閣臣用大僚下臺諫命帝許之從哲叩頭出復
如故

秋七月帝崩

先是帝寢疾不食者半月外廷憂危

時皇太子未得見給事中楊連

偕諸給事御史走謁方從哲御史左光斗起從哲問
安從哲曰帝諱疾即問左右不敢傳連曰昔文潞公
問宋仁宗疾內侍不肯言潞公曰天子起居汝曹不
令宰相知將毋有他志連下中書行法公誠日三問
不必見亦不必上知第令宮中知廷臣在事自濟公
更當宿閣中從哲曰無故事連曰潞公不訶史志聰
此何時尚問故事耶越二日從哲始率廷臣入問及
帝疾亟太子尚躊躇宮門外連與光斗遣人詣東宮
伴讀王安曰帝疾甚不召太子非帝意當力請入侍
嘗築視膳薄暮始還太子深納之楊連字文瑞應
山人左光斗字道直
桐城人王安雄縣人

至是大漸召英國公張惟賢

七

世孫尚書周嘉謨

字明卿漢川人

李如華

字茂夫睢州人

黃嘉善張問

達黃克績

字紹夫
晉江人

侍郎孫如游

字景文
餘姚人

等於弘德殿

勉諸臣勤職輔理嗣君越二日崩遺詔發帑金百萬

充邊賞罷一切礦稅及監稅中官起用建言得罪諸

臣

光宗皇帝

庚申泰昌元年

是年八月以前為神宗萬曆四十八年八月以後為光宗泰昌元年從當時廷議據

實分系以存光宗之統與前例一年兩系者不同

秋八月太子常洛即位赦

以史繼偕沈灌

字銘績
烏程人

並為禮部尚書兼東閣大學士

預機務

沈滄因與方從哲同里俸蹤黃廉甫入相即潛結中涓濫除官職愴人伎倆畢露時當遼左用兵敗報踵至豈區區召募二百人所能濟事蓋由其平日與劉朝魏忠賢結納已深揣知內操方亟是以屏居鄉里時已張召

未發二人俱在籍至是帝召用之

滄於明年六月始至繼偕於十月至

淮官翰林時嘗授內侍書劉朝魏進忠皆其弟子既入閤密結二人奏言遼左用兵臣嘗募永陽義烏諸邑及揚州淮安材官勇士二百餘請以勇士練錦衣衛而量授材官職進忠朝方舉內操得滄奏大喜詔錦衣官訓練募士授材官王進於等進舉以下官有差滄又奏募兵後至者復二百餘人請發遼東四川軍前亦從之

魏進忠肅寧人後更名忠賢義烏漢烏傷縣唐改名今屬金華府

尚合多人假稱
哀絕不惟仰承
風指且以自炫
經猷既而謀略
無聞詭隨日甚
視軍國大事如
兒戲渥之罪後
何足誅乎

帝有疾

初鄭貴妃侍神宗疾留居乾清宮及帝嗣位猶未移

懼帝以福王事銜已進珠玉及美姬八人歌帝知選

侍李氏

時宮中有二李選侍人稱東西李此為西李其東李嘗撫視信王後為客魏所間害憤鬱

而最得帝寵因請立為皇后選侍亦為貴妃求封皇

太后帝力疾御門趣舉冊封禮方從哲即以命禮部

禮部侍郎孫如游力爭事得寢時都下紛言貴妃使

內侍崔文昇進洩藥帝由此委頓羣情疑駭外家王

郭二戚畹

帝生母王氏
皇后郭氏

遍謁朝士泣懇宮禁危急狀

言鄭李交固甚包藏禍心於是給事中楊璉御史左
光斗昌言於朝與吏部尚書周嘉謨以大義責貴妃
兄子鄭養性趣貴妃移宮貴妃恐即移居慈寧璉遂
劾文昇用藥無狀并及輔臣方從哲

以何從彥

字君美
隨州人

劉一燝

字季晦
南昌人

韓爌

字象雲
蒲州人

朱國祚

字兆隆
秀水人

並為禮部尚書兼東閣大學士預機務召葉向

高復入閣

紅九移宮與挺
擊並稱三索其
是北本無難論
定而當時異說
紛囂入主出奴
牢不可破遂爾
自苦疑團挺擊
事前已具論之

時內閣止方從哲一人史繼偕沈灌尚未至帝遂復

有宗彥等命而宗彥國祚向高亦俱在籍惟一燦燦

入直

明年六月宗彥國祚至
十月向高至復為首輔

帝召見方從哲等於乾清宮九月朔崩

帝疾甚召見英國公張惟賢閣臣方從哲劉一燦韓

爌尚書周嘉謨李汝華侍郎孫如游都御史張問達

并及給事中楊漣漣以小臣特預召帝數目之命封

選侍為皇貴妃選侍挽皇長子入復推之出告帝曰

若紅丸之案謂李可灼必有逆謀自非馬論但可灼本不習醫其藥何由進卻方從哲雖說詞疑詰而藥未試官竟不力為沮止藥甫進而遽違不諱二人復何忍偷息人間乃從哲子撰無遺詔時尚欲加可灼以優賞其姪廷之噴有煩言律以許止越

欲封后帝不應羣臣愕然帝問有鴻臚官進藥者安在從哲曰鴻臚寺丞李可灼自云仙方臣等未敢信帝命宣可灼至趣和藥進所謂紅丸者也帝服訖稱忠臣者再諸臣退候宮門外中使傳上體平善日晡可灼復進一丸出明日昧爽帝崩選侍據乾清宮與心腹閹魏進忠謀挾皇長子自重羣臣入臨為閹人所格連厲聲責之得入臨如禮一燬詰皇長子所在羣閹不應一燬大言誰敢匿新天子者東宮伴讀王

宿惡名義無可
辭者而遽請顯
止刑誅則太過
矣至李選侍以
允朝嫡即乾清
固非所宜居及
既徙熾驚有疑
即當盡息又何
至捕風捉影附
會宮禁傳聞致
創為難經入井
之說信猜爭訟
經年不休尤為
悖妄總由諸人
初無忠君愛國
之心而分

安入白選侍給曰第出即返遂抱皇長子疾趨出及

門中官數輩追及攬衣請還連呵退之一燂與惟賢

遂掖皇長子升輦至文華殿羣臣叩頭呼萬歲還居

慈寧宮擇日登極

時衆議未定有請改初三者有請於即日午時者連曰今海宇清晏

內無嫡庶之嫌父死之謂何舍飲未畢冠冕臨朝非

禮也或言登極則人心安連曰安與不安不在登極

早暮處之得宜即朝委裘何害議定出過文華殿太

僕少卿徐養量御史左光斗至責連誤大事唾其面

曰事脫不濟汝死肉足食乎

連為悚然徐養量應城人

選侍李氏移居噦鸞宮

門別類私意嚴
錮遂至幸災樂
禍託為忠愛以
逞臆見而肆謔
彈其心實不可
問迨議論未定
而宗社已墟口
舌之柯殆亡徵
之先見耳

選侍欲專大權必欲與皇長子同居廷臣箋奏令先
進乾清然後進慈慶左光斗上言內廷有乾清宮猶
外廷有皇極殿惟天子御天得居之惟皇后配天得
共居之其他妃嬪雖以次進御不得恒居非但避嫌
亦以別尊卑也選侍既非嫡母又非生母儼然尊居
正宮而陛下乃退處慈慶不得守几筵行大禮名分
謂何及今不早斷決將借撫養之名行專制之實武
氏之禍再見於今將來有不忍言者選侍得光斗疏

大怒將加嚴譴數使宣召光斗光斗曰我天子法官
也非天子召不赴若輩何為者選侍益怒遷皇長子
議之皇長子深以光斗言為善趣擇日移宮而首輔
方從哲徘徊其間顧欲緩之劉一燝曰本朝故事仁
聖嫡母也移慈慶慈聖生母也移慈寧今何日可姑
緩也至登極前一日楊漣復抗疏言選侍陽託保護
之名陰圖專擅之實宮必不可不移臣言之在今日
殿下行之在今日諸大臣贊決之亦惟今日於是一

燝韓爌邀從哲請即日降旨竚立宮門以俟選侍不

得已乃移職鸞宮皇長子復還乾清

是時宮府危疑人情洶懼光斗

與漣協心建議辰極
獲正朝野稱為楊左

皇長子由校即位

是為
憲宗

時廷議改元或議削泰昌弗紀或議去萬厯四十八
年即以今年為泰昌或議以明年為泰昌後年為天
啟元年左右光斗議以今年八月以前為萬厯以後為
泰昌明年為天啟從之時劉一燝韓爌周嘉謨等念

土安初為東宮
伴讀頗有調護
之勞其行事亦
尚不違公是不
可謂非庸中佼佼但新君初立
閣臣不思援衆
正匡扶轉欲倚
宦官為內助實
非杜漸防微之
道雖王安秉筆
尚知謹慎持正
不致諸弊叢滋
但以朝政假手
中涓遂使柄移
司禮未幾而奸

內廷惟王安足倚

初光宗在東宮時鄭貴妃謀立己子數使人陰誑其過安善為調護

貴妃無所得及杖擊事起安又為屬草下令旨釋羣臣疑以安貴妃神宗大悅及光宗即位擢司禮秉筆監官勸行諸善政發帑金濟邊起用直臣鄧元標王德完等中外翕然稱賢

引與共事安

亦傾心向之內閣吏部所奏請無不從發內帑抑近

倖搜拔賢才中外欣然望治

賜太監魏進忠世廕封乳母客氏定興人為奉聖夫人

進忠初為帝母王才人典膳

進忠少無賴善馬射尤好博嘗與悍少年博不

勝為所苦走而自宮遂入內廷與諸監博盈窘乏久之始賣緣為才人典膳

因魏朝以結

增進志大朝朝
局派毒無窮
庶禍源一燎亦
不得辭咎也

王安朝先與客氏私即所稱為對食者及進忠入亦

通焉客氏遂薄朝而愛進忠兩人深相結帝嗣位進

忠客氏並有寵封客氏為奉聖夫人廢孝侯國與弟

客光先及進忠兄釗俱錦衣千戶

先是進忠直東宮
有道士歌於市曰

委鬼當頭立
茄花滿地紅
委鬼謂魏茄則析其
字為客也及是客魏始用事蓋已有先兆云

諭內閣暴選侍李氏罪責御史賈繼春

新鄉人

選侍移宮雖迫然帝奉養備至會宮奴劉朝田詔等

盜寶

選侍移宮時朝等盜內府松蘿
過乾清門什金寶璽地帝怒

下法司按治甚

急諸閹懼構蜚語謂選侍投繯皇八妹

出選侍

入井焚惑

朝士繼春信之即上書內閣言新君御極之時不當導以違忤先帝逼逐庶母俾先帝玉體未寒不能保其姬女于是左光斗上疏述移宮事

畧言皇上當還乾清則選

侍自當移宮其理易曉唯是移宮以後自宜存大體捐小過若使宮闈不安便於國體有虧

帝乃

宣諭內閣備述選侍凌虐聖母及要挾傳封皇后與即日欲垂簾聽政諸狀方從哲封還上諭帝不允復

降諭數選侍過惡

言選侍前因歐崩聖母自度有罪每使宮人竊伺不令朕與聖母舊

侍言有輒捕去朕之
苦衷外廷豈能盡悉

因責繼春妄生謗議理法安在

且言朕今停選侍封號以慰聖母在天之靈厚養選

侍及皇八妹以遵皇考之意爾諸臣可以仰體朕心

矣未幾噫鸞宮災帝諭內閣言選侍皇八妹無恙

而是時給事中周朝端

字思永
臨清人

謂繼春生事繼春與相

詆譏乃再揭內閣至稱選侍為未亡人

繼春揭有云
伶仃之皇八

妹入井誰憐孀寡之
未亡人雄經莫訴

楊連恐繼春說遂滋亦上疏具

陳移宮始末且言選侍自我皇八妹入井蜚語何自

恐釀今日之疑端流為他年之實事臣安敢無言帝

優詔褒連而深惡繼春將加嚴譴劉一燝力為解乃

止

無何繼春黨忌連欲結王安圖封拜連不勝憤抗疏引罪而繼春出按江西馳疏自明上書之故

帝屢次切責明年

四月繼春遂削籍

冬十月葬定陵

孝端皇后同葬

謚曰顯皇帝廟號神宗

明史贊曰神宗冲齡踐祚江陵秉政國勢幾于富彊既乃因循牽制晏處深宮綱紀廢弛君臣否隔于是小人好權趨利者與名節之士為仇警門戶紛然邪黨滋蔓在廷正類無深識遠慮以折其機牙而不勝

憤激交相攻許以致人主蓄疑賢奸雜用潰敗決裂
不可振救論者謂明之亡實亡於神宗豈不諱歟

罷熊廷弼以袁應泰

字大來鳳翔人

經畧遼東

廷弼有膽畧知兵然性剛好嫚罵物情不甚附給事

中姚宗文向與廷弼同在言路意氣相得

專以排東林攻道學

為後以廷弼不薦己已怨及出閱邊廷弼以其書生

藐之遂積相失

宗文持內府體自尊廷弼心易之甫開燕幕吏傳外警廷弼介而馳命屬

吏歎宗文宗文色動未幾廷弼還笑曰老掌科無恐
此邊廷常事耳燕罷宗文偵外實無警意廷弼戲之恨
甚主事劉國縉向亦與廷弼同官以京察被謫及是
贊畫軍前以故舊意望廷弼廷弼不能如前國縉

想逆與宗文比宗文還疏陳遼土日蹙詆廷弼廢羣
比而傾廷弼

策而雄獨智復鼓其同類攻擊必欲去之于是御史

顧慥

山陽人

馮三元

三河人

張修德

太原人

給事魏應嘉

興化

人等先後劾廷弼破壞遼疆廷弼憤甚抗疏求罷朝

議以應泰代之應泰厯官精敏強毅用兵非所長廷

弼在外持法嚴厲部伍整肅應泰以寬矯之多所更

易是時蒙古諸部大饑多入塞乞食應泰下令招降

處之遼瀋二城優其食廩與民雜居議者言收降過

明政之弊起於重內輕外開帥即有奇謀而臺省爵能之者輒無所不及其人或力圖銳入則以開釁糾之或意存待重則以促戰困之廷躬教言實足盡在廷卒不可破之惡習時其為人底畧不無足觀而性情嚴疎不能自克是以尋常歷此細故召

多恐反不利後應泰卒以此敗

方廷躬之去遠也上疏求勘朝廷命給事

中未重蒙往廷躬復上疏言今朝堂議論全不知兵冬春之際冰雪稍緩閑然言師老財盡馬上促戰及兵敗慨然不安浸言北收拾甫定慨然若復閑然責戰自有遠難以來用武將用文吏何非臺省所建白何嘗有一效疆場事當聽疆場吏自為之何用拾帖括語旋亂人意哉及重蒙還陳廷躬功狀末言廷躬功在存遠勞有可紀而適爾乞歸負君之罪實無所逃時頗以其言為當云 朱童蒙策無人

以孫如游為禮部尚書兼東閣大學士預機務

帝即位如游以帝為皇長孫時未就外傳即請開講
廷報可至是遂入閣

閻賈禍至於身
名瓦裂而莫之
惜亦不得謂非
其所自取耳

十二月方從哲罷

先是光宗崩中外皆恨李可灼而從哲擬遺旨賚可

灼銀幣御史王安舜

廣州後衛人

首劾從哲輕薦狂醫又

賞之以自掩其罪從哲因改奪可灼俸一年已而御

史鄭宗周

文水人

復劾崔文昇罪請下法司從哲擬旨

令司禮察處於是御史馮三元焦源溥

字誼一三原人

郭如

楚

晉江人

給事中魏應嘉太常卿曹珣

字用韋益都人

光祿少

卿高攀龍主事呂維祺

字介儒新安人

等相繼言文昇可灼

罪不容誅而從哲反為狗庇國法安在給事中惠世

揚

清潤人

直糾從哲十罪三可殺

言從哲獨相七年妨賢病國罪一瞻蹇無

禮失誤哭臨罪二提擊青宮庇護奸黨罪三恣行胸

臆破壞絲綸罪四縱子殺人蔽視憲典罪五阻抑言

官蔽壅耳目罪六陷城失律寬議撫臣罪七馬上推

戰覆沒全師罪八徇私罔上昂鉉貽羞罪九代營帷

稅志國殃民罪十貴妃求封后舉朝力爭從哲依違

兩可當誅者一選侍乃鄭氏私人從哲受其宮奴所

造美珠欲封為貴妃又聽其父提覲請當誅者二崔

文昇用洩藥傷損先帝諸臣論之從哲擬脫罪李可

灼進却藥從哲擬

賞寄當誅者三

從哲力求去疏六上命進中極殿

大學士賚銀幣蟒衣允其致仕

當神宗之末從哲獨秉國政一無所匡救

又用姚宗文閑邊齋經畧熊廷弼去遼陽遂失
論者謂明之亡神宗實階之而從哲其罪首也



御批歷代通鑑輯覽卷一百十二



總校官舉人臣章維桓

校對官學錄臣謝登雋

謄錄監生臣汪國均